

重修鄠縣志卷之一

星度第一

孫酉峯曰鄠志始於地理而不至天文分野始者舊志言之矣蓋謂禹貢雍州天文井鬼是其分野而入井度者則有雲中定襄雁門代郡太原入鬼度者則有上黨井鬼非徒秦分也矧茲鄠邑上應天文特徵辰耳復何侈陳之有蓋以葛爾鄠邑不必以天文言也以今考之地球表面莫不以經緯度表示地方之所在經線所以記東西緯綫所以定南北兩綫相交斯地方之位置以明故雖錐卓之點不難確定况一邑之大乎爰本經緯度測算如左

陝西省會在北緯三十四度五分而鄠治距省八十里位其西南當在北緯三十三度五十九分

陝西省會在東經一百零八度五十分故鄠治當在東經一百零八度二十九分

又南京西安經差十度三分若以南京為基本子午綫則鄠治當在西經十度二十

鄠縣縣志

卷一

星度 沿革

四分

北京西安經差七度三十九分若以北京為基本子午綫則鄠治當在北京西經八度

沿革第二

鄠古崇國也連山易云緜封於崇緜禹父國語謂之崇伯夏為有扈氏國尙書啟與有扈大戰於甘即此商仍為崇國見通文王伐崇作邑于豐秦改扈為鄠扈並音戶上聲王

伯厚云扈鄠一也

曰鄠邑隸內史漢始置鄠縣屬三輔之右扶風後漢屬司隸校尉部右扶

風魏置雍州三輔仍屬司隸鄠不改屬晉泰始三年置始平郡統鄠縣後魏太平真君七年分國雍州京兆郡西魏屬雍州京兆尹北周仍舊隋屬京兆郡唐分天下為十道鄠屬關內道京兆府京兆郡宋屬永興軍路京兆府京兆郡金改永興軍路為京兆府路鄠屬京兆府元改京兆為安西路又改安西為奉元路置陝西行中書省奉元路錄事司領鄠縣明屬陝西布政使司西安府清因之民國初奠廢



府改州廳爲縣分陝西爲三道鄠屬關中道旋廢鄠直隸陝西省政府此歷代沿革之大畧也

疆域第三

鄠地形狹長半入山谷東西最廣處約四十里南北最長處約五十里北至咸陽縣界二十五里以渭水爲界西至盩厔縣界十里以灰渠爲界南至本縣終南山二十里或三十里不等東至長安縣界三十里以灃水爲界西南至寧陝縣界百里東南至柞水縣界亦百里此皆以終南山中分屬之地言非謂壤地也西北至興平縣界二十里以澇水爲界東北至長安縣界二十里以兩縣廟爲界面積約八百餘方里戶口二萬一千八百一十三戶男女十一萬四千九百二十五口形勝終南拱於前清渭繞其後左則灃川奔湧右則澇水潏洄蓋自古形勝之區也

山谷第四

鄠之南境皆山也西接盩厔東連長安皆終南一山橫直南境如列屏障其間谷之大小以十數今首列終南山於左次以谷爲主而山之隨地異名者自西而東以次附焉

鄠縣縣志

卷一

疆域 山谷

三

終南山 舊志三輔黃圖終南橫直關中西起汧隴東徹藍田相去八百里既高且廣多物產故禹貢曰終南惇物也惇物也者即東方朔傳所謂出玉石金銀銅鐵豫章檀栢而百工可以取給萬民可以仰足者也

澇峪 在縣西南二十里澇水出焉盩厔之分界也峪口舊置青石關關北湖中有石長丈餘土人呼爲石魚相傳水漲時任高至若何尺魚頭輒浮水面其北有水磨民國十八年大旱既久盩厔人由水磨西阻塞河口決渠引澇水西北流實侵我之利也見水利關南五里曰

檀廟街又五里偏東曰

挖銅溝有銅鑛焉又五里曰

大灣又五里曰

教場唐助國公殷開山練兵處也其附近曰

殷家坡爲國公故居後裔猶有存者又十里曰

下子房又南曰

上子房其偏東有溝曰

十折溝產煤之場也蘊蓄豐富惜未開採見物產又南五里曰

蕘園又十里曰

土嶺又南曰

黑山岔岔口有墨洞又南曰

沙窩子又南爲

百丈礪石壁陡立高逾百丈故名又南曰

西流水又南曰

東流水又二里曰

鄠縣縣志

卷一 山谷

三

梨兒又十里爲

兩澗蓋澗水上流兩源至此始合流而北也又十里曰

燕花坪有關帝廟又五里曰

砂嶺子其東北爲

鳳凰嘴又東南十里曰

八里坪又三十里曰

嶺溝有龍王廟蓋至此已達秦嶺矣以上皆澗峪內之山名也

按舊志云去澗峪二里有支鍋潭潭南有臥龍石桃花溝磨石溝挖銅溝仙人橋
化廟灣有仙人碑不能到又有十八盤銀洞溝朝陽洞沿峪兩岸則西盤東鄠分
界也

論曰人言峪內若檀廟街教場子房梨兒等處昔年皆居民數十百家肆廛櫛比
今盡衰落至四五家矣作廂販木者遠逾嶺在百里之外故木材亦甚少焉上下

數十年間而盛衰若霄壤嗚呼可以觀世變矣

由澇峪口而東曰

馬尾坡坡上有仰天池坡東爲馬尾溝迤邐數里又東爲

陳家坡其頂即

白雲山舊志在檀峪內誤矣山腰舊有淨居寺今按陳家坡在半山上周圍羣山環抱遙望不見登其上俯視鄠城如在目前西河橋洞歷歷可數其上平坦廣可數畝即寺舊址陳姓數家住焉遂以爲名坡東半溝有小泉一舊志白雲山有白雲觀老子泉當指此坡西靠山亂草中臥鐘一口鐫成化十年攷其遺碑故蹟別無存者蓋爲陳姓磨滅久矣按劉志白雲山在縣治南二十里爲縣脈所由起以今攷之縣南止有白雲寺在白雲山堡且距山尙里許又四周平衍無所謂山者詢諸土人亦莫知白雲山之所在而程明道先生遊記則云惟白雲山近在山面嘗乘閒兩至其地則陳家坡之山其爲白雲決矣蓋當時白雲寺以南皆深林茂木

鄠縣縣志

卷一

山谷

四

建寺者以其地在白雲山下故定名曰白雲寺而村之得名亦以此如澇峪口堡之名澇峪栗峪口堡之名栗峪也迨後山林日闕去山若遠人習知村之爲白雲而遂亡山之所在耳坡東即陳家溝溝西有泉曰侍郎泉又東爲

耿家坡又東爲

老牛坡坡上爲

雙峯山兩峯對峙俗名雙樹槐古稱雙峯山山下有救苦菴前祀太乙真人後爲藥王洞洞內神座旁有小洞一口僅容人相傳通至馬尾坡神仙鑑云雙峯山下救苦菴即此其西南山坡有明陽寺殘破無遺有碑一半埋土中掘地視之係明德十五年重修記寺爲漢甘泉宮故址謂背山爲牛首山者誤矣又東爲

栗峪進峪里許有馬連岔又南半里許偏東爲

兵溝迤西又半里許曰

玉皇梁其西爲

砂石坡又南爲

寒園岔又南爲東西

太陽溝又東南有溝曰

槐圪塔溝上西爲圪又嶺溝東上頂爲天池又由正河西南行經行嶺上爲

菊園坡又東南曰

石門山石壁峭立相對如門攀草可登極險峻又東南有偏溝曰

龍脖子溝爲東峽溝又西爲

中峽溝出正河上嶺爲西峽溝再上爲

黑虎觜去口約二十里又西五里爲

梨園坪東三里爲石橋劉姓住此有譜栗峪口東爲

慈雲山山坡有大悲寺見祠廟又東爲

直峪澗中有石門其東山坡有古剎曰新興寺見祠廟寺東坎下有泉名宋家泉又

鄠縣縣志

卷一

山谷

五

東爲黑溝溝西爲

照駕坪其下有晉王泉又東爲紅溝北里許爲救駕橋又東山下爲站馬里堡村南

山坡有泉二相傳晉王站馬於此馬渴思飲蹄跑山下得水今居民鑿爲井兩眼

南北直列以之汲飲云又東爲

蔡峪峪內有石似馬形人呼石馬相傳馬已練成有靈迹今被胡僧所盜云又東爲

阜峪峪口西崖土色粉白可作堊用內有太平溝西平溝溝上山腰有子房洞登臨

一眺長安宛然在目相傳爲子房臥看長安處清康熙十一年知縣康如璉修葺

再上爲南山版又上爲梯子兩崖壁立又上爲磨房溝有白石崖梯子上由台溝

可至九華山又東爲

抱峪峪後山頂名

大谷觜 小谷觜山麓有寺曰彌陀寺見祠廟寺背有泉曰阿姑泉又東爲

竹峪亦小峪也其脈由九華山來又東爲

檀峪舊志峪內有鬥鷄台銅鷄台李靖泉在五里坡今失攷按峪內有土地菩薩廟

距口十里有青石洞洞旁有湯房又五里爲黃土坡

或即五里坡

又里許爲過街樓再

上爲

九華山凡四頂每頂皆有廟其絕頂爲靈官殿下爲凌雲塔其上爲中殿有玉井池再上爲三殿有虎跑泉其右爲佛洞有石胆崖再上爲後殿西爲銅洞溝形勢陡絕殿後逾溝而上曰南天門相傳山下爲純空由佛洞燃火其煙每自三層殿出相距約里許民國來土匪每盤據山間時出剽掠土人患之後經縣內駐軍拆毀以覆賊巢今年安善操各堡善信復重修上殿一座檀峪口東一峯高入天際名

雄虎鬚其東爲

安家坡下有老君菴見寺廟其上頂爲

鄂縣縣志

卷一

山谷

六一

三峯山三峯對峙故名又東爲

曲谿舊志峪內有蓮花山石灰洞蒿平潭石青洞班鳩嶺上至一盤泉嶺均未詳今攷峪東有玉皇樓進峪十里爲下河又五里爲上河皆有土地廟又三里嶺上爲松鬚山有菩薩廟又東爲

石門山兩崖壁立形勢天成又東爲

將軍山山勢雄偉迤邐北出約五里許崔巍獨高因名上有土地廟其下五里即龐光鎮由將軍山又東而南爲

牛首山通志在縣東南太平峪西舊志南有萬仞層山而有小洞在其下宛若牛伏左右兩泉相傳爲牛乳首東枕清流尾西蟠胡嶺山麓有寺曰金峯寺寶金山禪師所駐錫也見寺廟又東南曰

筆峯山孤峯聳出尖銳若筆故名又東南爲

化羊峪峪口爲化羊宮即東嶽行祠今稱天齊廟見祠廟其東化羊峪水出焉谿東

有

望鄉台其頂平廠可數畝進峪五里有龍王洞相傳其口通獄廟後寢宮

宮在正院東偏為別

室內向三間北一間內
地平中有石口若盤大又東為

黃柏峪一名蒼龍嶺蒼龍河所從出也峪口為黃柏坡進峪五里有土地廟又三里

有佛殿舊志峪內有土地嶺絕頂有金山寺當指此又東為

烏桑峪峪口即烏桑坡進峪三里許有仙人橋相傳仙人踐此得名舊志有長仙洞

觀音淬赤干嶺等今失攷峪東嶺後為

圭峯山山峯重疊似圭故名舊志與重雲寺對又有小圭峯在草堂寺東山頂有無

量殿即圭峯山寺其旁有池秋夜月光射之瑩徹如鏡故圭峯夜月為八景之一

又東為

太平峪峪口西有真武廟即隋太平宮故址

唐書地理志即唐高祖避暑宮

廟背山腰有洞深潤丈

餘名朝陽洞內祀無量佛洞上名

鄆縣縣志

卷一

山谷

七一

歡喜嶺其絕頂曰

王屋齋再上西南為

鷄頭山方輿紀要鷄頭山在縣東南三十里秦苻生棄長安欲西上隴士卒散盡遂

入鷄頭山為追兵所害雍勝畧俗呼小武當山

又名尖山其西南即圭峯山又西南半里許當黃柏太平兩峪之梁名

菴口嶺又上七里為

西角峪又西為

龍窩又西為

砂嶺以達澇峪之黑虎齋此由峪西南經行嶺上之路也又由西角峪西南四五里

曰

管坪又西南三里為

南北石槽又西南四五里為

瑪瑙岔又西六七里曰

斜溝又六七里曰

天金坪再南曰

黑山岔此由西角峪西南行以達澇峪梁之路也梁下為西寺溝溝內有西寺馬圈
亂草坪等又由大管坪循正河而南曰

小花崖又南曰香爐灣又南為煤廠可造火紙其西為

黃龍寺嶺又三四里為

鐵索溝又二里為

砂嶺子又上為

牛槽子又西為

平溝其東南為

清水岔又西為

鄂縣縣志 卷一 山谷

五里坡下坡為順水河又西經東園西園曰

東溝梁自黑虎鬚至東溝梁再南抵營盤梁皆南北直列統名澇峪梁即太平澇峪
兩路之分水嶺也又由牛槽子循正河而南曰漿水罐潭名廣約四五丈水深丈餘又西南為

華離灣又西南為箭幹灘其西即鳳池太平河發源之所也其東為

黃土梁南為

嶺溝梁蓋至此已達秦嶺矣此皆太平嶺內西面之山也嶺東有

燈盞窩 木管坪再南為冉家灣又南三里許曰

黃崖舊志嶺內有黃崖洞當指此崖內有

象山山上有臥龍寺再上為

萬花山俗名玩花山相傳唐王玩花處又由冉家灣循正河西南行二里許為頭道
河又二里許為家佛堂又上為二道河河口曰三橋溝再南為大爾河又上為
東寺溝溝內有市場其西即

小花崖再南經香爐灣過煤廠而上曰

石公岔岔內有

南水崖 東水崖爲峪內最高峯其絕頂亦名王屋巖壁峭如削百里外能望見距口約五十餘里又南爲陰昌溝再上爲季梅溝溝口即漿水罐再上三里爲流細

溝內有天兒地首宿庵

又南二里許上梁即黃土梁再南爲頭岔又上爲

石家坪其西爲箭幹灘又上爲二岔三岔四岔又上爲牛邱圭其東南爲

營盤梁其西爲五溜子已達秦嶺此皆太平峪內東面之山也

按舊志程明道先生遊鄠山詩序云入太平谷憩息於重雲下院自入太平谷山水益奇絕殆非人境石道甚巘下視可憐往往步亂石間入長嘯洞過虎溪西南下至重雲閣訪鳳池觀雲頂凌霄羅漢三峯登東嶺望大頂積雪復東北來雲際下深湖白石磷磷於水間水聲清冷可愛坐石掬水戀戀不能去者久之遂宿大定寺凌晨登上方候日初上西望藥山北眺大頂千峯萬巒目極無際下山緣東

鄠縣縣志

卷一

山谷

九

湖渡橫橋復憩於重雲下院出谷遊太平宮故基而歸馬上率爾口語往往成詩章自入山至歸凡四日得長短詠共十二篇其詠凌霄三峯詩云長嘯岩東古寺前三峯相倚勢相連偶逢雲靜得窺日若有路通須近天陰吹響雷生谷底老松如箸見崖巘結根不得居平地猶與蓮花遠比肩雲際山詩南藥東邊白閣西登臨身共白雲齊上方頂上朝來望陡覺羣峯四面低據此則

大頂 凌霄 羅漢三峯當在長嘯洞之東雲際山之北大定寺當在雲際山下而雲際山舊志在縣東南六十里東接長安界長安志有大定寺杜甫詩夜半月歸雲際寺今無知者或即峪內之東水崖歟他如

藥山 長嘯岩 虎溪 重雲閣等今老於山者亦莫悉其所在固由陵谷變遷故

宮禾黍亦以千百年來明道而後再無名流深入登覽吟嘯歌於其間遂致勝蹟埋沒不彰而爲樵夫牧豎且與丘垤培塿同類而並視之也可慨也夫又明道長嘯岩中得冰敲餐甚佳詩車倦人煩渴思長岩中冰片玉成方老仙笑我塵勞

久乞與雲膏洗俗腸又長嘯洞北回望大頂如列屏障比到山前卻不見蓋爲仙掌所蔽詩行盡重雲幾山山回頭方見碧峯寒天將仙掌都遮斷元恐塵中俗眼看又遊重雲詩久壓塵籠萬慮昏喜尋泉石暫清神目勞足倦深山裏猶勝低眉對俗人可知峪內亦有重雲山重雲閣當在山上鄆八景所稱重雲雪巘是也蓋當時重雲寺頗興盛於谷口置重雲下院明道出入所應者於谷內之重雲山又置重雲閣今則唯山外一古寺僅存耳又東爲神水峪內有睡佛洞又東爲

紫閣峪峪口有大圓寺舊志在子房山外即子房庄見寺廟進峪十里曰

紫閣山雍勝錄紫閣峯在縣東南旭日射之爛然而紫其形上聳若樓閣然有寶林寺唐太宗勅建尉遲恭監修寺前有寶林塔高五丈餘其旁有湧鉢泉俱見寺廟舊志又有慧蘭菴爲慧蘭祖師避靜處王九思云紫閣峯有瀑布景特奇絕其北有

鄆縣縣志 卷一 山谷

白閣峯陰森積雪弗融又北有

黃閣峯名最後出其西有

仙掌一名止軍崖有黃崖洞杜山詩紫閣峯陰入漢陂唐岑參詩東望白閣雲半入紫閣

松又宋李駒遊終南山宿紫閣詩石磴溪橋傍翠巒分明深入畫圖間遠饒禪刹疑無景南山諸寺惟紫

閣爲迥出羣峯別有山仙掌數尖特在羣峯之外微雨欲來雲影亂輕風不斷鳥聲閑嵐光可

是清人骨更待中霄一夢還通志紫閣峯白閣峯黃閣峯三峯俱在縣東南三十

里宋程明道遊紫閣詩仙掌遠相招縈紆渡石橋暝雲生澗底寒雨下山腰樹色千層亂天

形一罅遙吏紛難久駐回首羨漁樵明邑太史王九思遊南山詩龍蟠虎踞奠秦關萬古青蒼

杳靄間一線行空紫閣谷三峯對鄆白雲間又彩雲長覆仙人掌古寺遙臨羅漢

峯掌上雲連西華嶽峯前寺暗草堂松又經台西峙五台東白閣陰森紫閣融羣

山羅列重雲外圭峯拱立碧天中又荏苒老將至幽奇寡探索邇聆黃閣峯乃在

紫閣北白閣峙其南飛瀑經其側陰暉殊氣象岩巒遜奇特嘉名久沈匿勝概棄

莫覲予聆王生言煩囂頓揮滌游目天南隅恨乏凌風翼躡屐挾賓侶危巖庶可
陟又薛昌期
紫閣山詩閣下寒溪漲碧瀾閣前蒼翠數峯環危梯續磴穿松外細草分泉落
石間好鳥啁啾聲喚客亂雲開合巧藏山獨來應爲禪僧笑少有人能伴我閑山
下爲

龍盤嶺嶺上有龍盤寺又南爲鐵瓦殿殿覆以鐵瓦故名爲大圓祖師所創建其東
北爲

子房山舊志在紫閣峯北有黃石洞爲子房避穀處又東爲

了髻山山形分歧似髻故名其相近有

旨壁崖又東爲

牛心嶺 樊家山又東爲

高冠峪舊志內有高冠潭今攷其上山形陡絕有瀑布飛下如銀河倒瀉故高冠瀑
布爲鄠八景之一水注山下爲潭廣可數丈深不可測旱禱甚應明道先生遊高

鄠縣縣志

卷一

山谷 河渠

一一一

冠詩轟雷疊鼓響前峯來自彤雲翠靄中洞壑積陰成氣象鬼神憑暗弄威風噴
崖雨露千尋濕落石珠璣萬顆紅縱有虬龍難駐足還應不是旱時功又老軍渴
倉頭岔皆未詳

河渠第五

泉澤水利附

澇河

澇一作澇

孫志在縣西關外北流入咸陽界山海經牛首之山澇

一作澇

水出焉

相傳牛首

山在縣西南者
從此二語誤也

西流注於瀟水

通志今澇水入瀟不合瀟水

子虛賦上林苑有澇瀟李善注瀟

水即澇水也顏師古注瀟音牢出鄠縣西南山澇谷水經注澇水出南山澇谷北
逕漢宜春觀又東北逕鄠城西際城北出合漢陂水又北流入于渭長安志澇水
至鄠縣北之元村入渭

又云按澇峪有東西二水其源各別東澇源出秦嶺逕八里坪行三十里始與西
澇合爲一自峪口逕縣西南熊家堡伏流十里至羅什堡始見而山海經所云牛
首之山澇水出焉西流注于瀟水者其東澇之分派歟未可知也

今攷澇水上流二源東源匯秦嶺北坡之水逶迤西北流逕八里坪又西北逕鳳凰嘴又西折而北至兩澇與西澇源出迤西合爲一又北逕東西流水又北逕上下土嶺又北逕上下子房又北逕教場又北逕檀廟街又北逕青石關又北至土門子出峪計自秦嶺至峪口凡百餘里爲整鄠兩縣之界河河屬鄠河西屬整又自峪口分二支東支出峪口而東北逕澇峪口堡舊名熊家堡西又北逕白雲寺栗峪水來會焉又東北水皆伏流復十里至羅什堡始見其西支東北流逕羊圈堡又東北至水寨北與東支會而北逕遙指頭又北逕東倫公村又東北逕縣西關有太史橋又北呂公河東來會之又北逕南河頭北北河頭西六老菴南西折而北逕寧羌堡西又西北逕皇甫村南又西北逕整屋界之晏平寨東又北至澇店鎮有澇店橋與整屋爲界又西北入整屋界復折而東北白馬河自西來會之又東北入縣界逕三過村姚村馬營郝村渭曲坊各堡之北又東至元村北入渭

查此河上游由土門子西有渠一道引而北流逕丈八寺村東與胡公泉及漢泉

鄠縣縣志

卷一

山谷 河渠

一二

之水會又東過割耳庄復折而北逕玉蟾台又東北逕王季陵又東北至陂頭繞空翠堂又東北逕九女塚東復入於澇自陂頭至曲抱村昔年障之爲陂所謂漢陂者今則丈八寺曲抱村陂頭各堡皆利賴以溉稻田矣

又清乾隆間知縣李文翰由白雲寺西南開渠引澇水東北流逕白雲堡以資灌溉光緒中知縣吳復元又重修之

又由龍家寨開渠引澇水北流逕東關庄又北逕割耳庄又東北逕西倫公村北而白沙泉水自割耳庄西來會之又東而北至孫家磴入于澇此割耳庄及西倫公村各堡所賴以灌稻田者

又由龍家寨開渠引澇水東北流逕斑竹園又東北逕東倫公村又北至孫家磴與前渠合而入于澇此斑竹園及東倫公村等堡所賴以灌稻田者

按澇河上游支渠交錯皆沿河居民引以灌溉是河之爲鄠水利久矣明萬曆中整屋縣申允院道稱引元制疏濬古河欲整而分其利知縣呂公大章乃具文申

爭事遂寢有邑侯呂公阻分澇河碑記見金石至民國十八年大旱蓋屋人又以強權由過風樓在十門子西南北鄆渠引口之下開渠引澇灌其旱田鄆水磨頭等堡居

民阻之不可乃控縣控省經建設廳發委勘驗令整民取消新渠另在澇河上游過風樓與西澇峪口之間開鑿渠口但引水量不得過澇河全量十分之一並於

十九年二月頒發佈告俾整鄆兩縣將佈告原文於過風樓地方刊石立碑以垂久遠今節錄其文於下

略曰為佈告事案查鄆屋縣曹村所與鄆縣羅什操兩處民各節公平辦理令整民取消新渠另在澇河上游過風樓與西澇峪口之間開鑿渠口以資灌田令鄆民少讓水源資整民引用不得把持澇河全量以免向隅並令整民於過風樓開渠時須先組織水利會妥訂章程籌定的款呈由縣府轉呈本廳查核准其備案後方許動工以昭慎重此項擬定辦法業已呈奉省府指令內開查所擬各辦法尚屬允協應予照准仰即知照等因奉此除分令整鄆兩縣長遵照執行外合行佈告兩縣當事人等一體遵照毋違此佈

栗水 孫志出栗路發源于清涼山按清涼山在縣西南澇峪西此云發源清涼誤引入于澇又引入白公

河今攷栗水發源于峪內由峪口北流其上跨有石橋係光緒中知縣厲乃慶監修擬開澇峪十折溝煤礦者又北逕寫庄又西北至白雲堡東北入澇長三里許寬丈餘

鄆縣縣志 卷一 河渠

皂水 孫志出皂峪亦入于澇又引入呂公河今攷皂水出皂峪北流逕站馬里伏

流又北逕潘家堡西又西北至羅什寺南入于澇光緒初年河水暴發改道逕夏家堡吳家堡至羅什寺北入于澇

呂公河 孫志在縣東舊志云明萬曆中知縣呂仲信引檀谷皂谷及阿福泉諸水

逕縣東關北折而西遶城入澇水人謂之呂公河知縣白應輝又鑿栗谷直谷諸

水為新河引入呂公河人亦謂之白公河今攷此河上游引阜嶺河一支由阜嶺口逕梨園坡曹家堡林家堡張趙堡獨

庄陳兵坊麥張寨西又北至南宅南入呂公河是後知縣冷大蒙濬之明末知縣張宗孟復引澇水自白

雲山堡逕天和村羅什寺至南關外入新河及城壕民享其利未幾淤塞清康熙

間知縣康如璉重濬之乾隆己巳知縣李文漢亦濬之今堙廢考此河上源係引

檀峪及阿姑泉之水逕馮官寨柿園里林家堡尙家堡白虎寺獨庄上馬營呂公

寨東又西北至南宅堡南白公河南來注之又東繞治城而北西入于澇長二十餘里寬

六七 清末迄今數十年來水久涸竭昔劉璞續縣志謂若水尺 民國二十年秋縣長

強雲程復令民夫重濬然亦止就故渠疏濬而上流之水不能續至則亦未為得

也留心水利者其知所盡力哉

呂公分渠 此渠由麥張寨東開鑿以洩水勢者起于麥張寨北逕小豐村東又北逕青楊寨東又北逕圓柳樹西又東北逕石佛寺東又北逕李伯村南又東逕牙道村南至野口村西入泥河

檀峪河 出檀峪其西支引為呂公河其東支出峪東北流逕保峪坊靈山寺占官營各堡西又北逕東屯西又北至喬堡南董家泉見泉水西南來會之又東北逕

劉堡東至玄武寺東南沈家營之官泉水及西屯東之東周泉西之三角潭水西南來會之其相會處即當縣治又北逕玄武寺東又北逕郭家寨東又北逕青楊

務東堡之東折而東北至五竹村西南梳頭泉在爐丹村西水匯東屯之藥王泉水南來注之又東黃家寨西之蓮花池及石家潭水南來注之又東北逕五竹村二堡間至村北與蚰蜒河合又北逕侯家廟又東北逕韓奇寨二堡間又北至野口村西南與沙河合

鄆縣縣志 卷一 河渠

蚰蜒河 發源于曲峪東北流逕五莊北又北至爐丹村中堡南金鷄泉水西來注之又北出爐丹中東二堡間又北逕青龍寺東又北逕後寨蜿蜒如生蚰蜒之名以此又北逕南索村東黃家寨東又北逕周貴坊東又北逕吳家寨東又北逕五竹村東又北與檀峪水會又北逕侯家廟又北逕韓奇寨二堡又北至野口村西南與沙河會長二十餘里 寬三四尺

沙河 亦發源于曲峪東北流逕龍光鎮又東而北逕南鄭村清正菴又北為姚家河又北逕四府又北逕南沙河寨西又北逕東索村東又北逕沙河寨東西二堡間又西北逕第五橋西方家寨東又北逕辛家庄西又西北逕待詔村西又西北至野口村西南與蚰蜒河合長三十餘里 寬丈餘

泥河 上承檀峪蚰蜒及沙河之水自野口村西北流逕真花磴西又北逕鑿齒村東有柳又東北至趙倫村東與蒼龍河合

蒼龍河 發源于縣東南之黃柏峪一名蒼龍出峪水伏流至孫姑村北與磨河渠匯

而北流按磨河渠源出太平河太平河經流出峪東北流入灃河居人于峪口堰水西岸分爲二渠其第一渠名磨渠經東堰下引至焦將東西堡資以灌溉者第二渠名新渠下流又分爲二引至宋村可灌田數百頃下流逕黃堆至孫姑村與黃柏水合而北流逕焦楊村稻務庄崔家灣牛東第五橋谷子磴秣師坡文義村入長安境復西北流至趙倫村東北泥河自西南來會之查此河上游若焦將宋村黃堆孫姑村等堡皆引以灌稻田可數百頃

游泥河 即新河係清光緒二十六年鄒長兩縣所會開者先是泥河至趙倫村東北與蒼龍河合水勢陡增蒼龍河小不能容每遇秋水泛溢下流瀕河一帶悉成淵渚兩縣紳耆因會請大府即由蒼龍泥河兩河相會之口開新渠一道逕梧桐村付村康王村各堡之東又北至咸陽縣界之江渡村北入渭計長三十五里寬五尺深六尺堤高尺五

化羊峪河 孫志扈陽谷水一名在縣東二十里北流入咸陽界古水經注扈水上

鄠縣縣志 卷一 河渠 一五

承扈陽池十道志扈水今名馬腹陂縣舊志云鄠南化陽谷有水出焉或本名扈陽訛爲化羊也其水流至咸陽界爲泥渠之上源今攷縣東南化羊峪澗水出焉

北流逕季源寨至孫姑村入蒼龍河計長八里寬八九尺

太平河 孫志長安志太平谷水濶七步深二尺北流入長安縣界寰宇記太平谷水一名林谷水源出終南山即清水渠之上流今分爲衆流長安境分三渠以灌稻田

縣舊志太平谷中有鳳池即河源也今攷太平河發源于谷內箭幹灘之鳳池東流逕黃土嶺折而東北逕流細溝又北逕漿水罐又北逕陰昌溝沙嶺間又北逕

同安嶺在黃龍寺嶺北折而東其南岸爲煤廠又東逕石公岔北香爐灣南復北流至小花崖其東爲龍頭寨東流至東市溝復北流爲大爾河又北逕大管坪焦家嶺又北逕小管坪又東北逕家佛堂又東北逕圭峯下又東北逕運斗坪出峪又東北

逕唐旗寨萬軍寨草堂寺紫閣峪水南來會之又東北逕劉家莊葉家寨至大堰口此爲新河道又自唐旗寨北流經南坡東大良村東至大堰口入長安境與灃

水合

高冠河 孫志高冠谷水在縣東南三十里長安志水濶三步深一尺其底與太平谷水並碎砂石北流入長安縣界合澧水縣舊志高冠谷水其源即出高冠谷有石穴石潭最靈旱禱輒應

澧河 源出長安境之澧峪西北流至秦渡鎮入縣境為長鄠之界河上有廣濟橋又北入長安境按孫志豐水一作澧在縣東三十里流逕長安入咸陽界書禹貢澧水攸同孔傳漆沮入渭澧水所同同之於渭詩大雅豐水東注維禹之績毛箋堯時洪水豐水亦氾濫為害禹治之使入渭東注河老子豐水深十仞而不受塵垢金鐵在中形見於外漢書地理志澧水出鄠縣東南北過上林苑入渭漢書音義澧水出鄠縣南山豐谷元和志豐水自縣東南終南山發源北流逕縣東二十八里又北流入渭長安志豐水出長安縣西南五十五里終南山豐谷源濶十五步其下濶六十步水深三尺縣册自紫閣而下逕秦渡鎮北入渭

鄠縣縣志

卷一

河渠

一六

渭河 西北自興平縣界流入縣境東流約十里許入長安界其南岸屬鄠北岸屬興平咸陽

按舊志渭水在縣北三十里自盩厔縣流入又東入長安界水經注漢桑欽撰北魏鄠道元注渭水自合漏水又東合甘水又東豐水南來注之縣舊册云渭水自興平界流來至縣之元村東北十五里入咸陽境

又按舊志甘水書孔傳馬融云甘有扈南郊也又水名今在鄠縣西長安志宋龍圖閣

學士宋敏求著所志皆關秦之勝甘谷水在縣西南二十二里北流入興平界渭水雍大記明何景明

著甘水出鄠縣南甘谷書云啟與有扈大戰于甘之野即此地也至甘河鎮合于渭今考甘水源委無在鄠境者其昔年屬鄠而後復改隸於盩

附錄

按渭水經流北境沿渭一帶洪流變遷靡常走南則南岸之地悉沒于水走北則北岸之地亦如之迨水落地出彌望斥鹵地主不能辨識多為豪強所侵佔界域

不明因之爭界之案亦所時有民十六七等年我北宋村迤北灘地十餘頃悉被客民侵佔懇種輸租于長宋村民衆具情上控省令長鄠兩縣官紳履境會勘時覓得清乾隆間馬廠界址碑記注有丈尺歷歷可攷逾年縣長郝公蒞任又據碑文呈省府力爭始將原地收回今錄其碑文於下

重修馬王廟碑

乾隆十一年御前侍衛川陝督標右營游擊王文鐸撰文

郡城之西南舊有馬廠二區界在高橋堡迤西環以澇渭兩河距城七十里爲督標中營分佔牧馬之所由來久矣中隔督院官廠本營分東西兩廠遂以爲名焉但緣地與民田相接歷年既久多有豪民侵佔之擾康熙辛卯歲經制憲殷公委官清丈明確將兩廠四至界址繪圖存案以備徵攷並有合營公捐貲財建修馬祖神廟甚盛舉也余奉簡命蒞任斯營見夫兩廠坐落長安界聯三縣鄠邑有澇水潤其渠咸陽有渭河霑其澤興平則有沃野高坵傍渭流以拱其勢誠爲四邑之勝地足覘廟貌之崇嚴也中略特慮夫世遠年湮不無奸民藉端生事以啓侵爭者因將兩廠四至界限尺丈度數重爲清查刊勒于石以垂永久云

鄠縣縣志

卷一

河渠

一七

督標右營馬廠長闊尺丈地址記

東廠地址

東西共長壹千玖拾丈內

東自釣魚台起西至長安縣交界止共長壹百伍丈係咸陽縣地方

又自長安縣交界起西至鄠縣交界止共長叁百陸拾丈係長安縣地方

又自鄠縣交界起西至大馬廠止共長伍百柒拾伍丈係鄠縣地方

南北闊數壹千貳百玖拾丈內

上南北釣魚台東邊一帶南自王道村墩台起北至渭河止淨灘闊壹百貳拾丈

係咸陽地

江頭灣一帶南自澇河起北至渭河止淨灘闊貳百貳拾丈係長安地方

廳子東邊一帶南自墩台起北至渭河止淨灘闊貳百叁拾丈